

FILAZANA

mikasika ny fanalavana ny fe-potoana hamaliana ny taratasy fampahafantarana voalohany momba ny fisavana ara-ketra

Ao anatin'ny paika arahina amin'ny fisavana sy ny fanarenana ifanatrehana voalazan'ireo andininy 20.06.21 sy ny manaraka ao amin'ny Fehezan-dalàna ankapobe momba ny hetra, ny Foibem-pitondrana ankapobe momba ny Hetra dia manome fanalavam-potoana manokana telopolo andro katroka ho an'ireo Orinasa izay nanaovana fisavana ara-ketra mba ahafahan'izy ireo "mampahafantatra ny fankatoavany na hanomezany ny fanamarihana" ho entiny mamaly ireo taratasy fampahafantarana voalohany nomena azy ireo.

Io fanalavam-potoana io dia manomboka amin'ny daty fahataperan'ny fe-potoana aradàna telopolo andro araka izay voalazan'ireo andininy 20.06.21 ter sy 20.06.24 ao amin'io Fehezan-dalàna io. Raha atambatra izany ny fe-potoana omena ireo Mpandoa hetra nanaovana fisavana ara-ketra dia tsy tokony hihoatra ny enim-polo andro katroka manomboka ny daty naharaisany ny taratasy fampahafantarana voalohany, na taloha na taorian'ny nivoahan'ity Filazàna ity.

Izao fepetra manokana izao dia mahakasika irery ihany ireo fanamarinana an-taratasy sy/na ireo fanamarinana eny an-toerana momba ny taom-piasana 2021-2020-2019 tsy maty paik'andro ary efa nanaovana fampahafantarana voalohany, farafahatarany ny faha 31 desambra 2022.

Antananarivo, faha 27 DEC 2022

NY TALE JENERALIN'NY HETRA

